



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christ. Francisci Paullini, Ferrariâ-Thuringi, Rerum Et
Antiquitatum Germanicarum Syntagma**

Paullini, Christian Franz

Francofvrti ad Moenvm, 1698

IV. Bulla Raymundi Cardinalis, Templum Parochiale Farnrodæ Concernens,
1503.

urn:nbn:de:hbz:466:1-44860

IV.

BULLA RAYMUNDI CARDINALIS, TEMPLUM
PAROCHIALE FARNRODÆ CONCERNENS, 1503.

Raymundus, miseratione divinâ Sacro-Sanctæ Romanæ Ecclesiæ, titulo S. Mariæ novæ Presbyter, Cardinalis *Gurcensis*, ad universam Germaniam, Daciam, Sueciam, Norvvegiam, Frisiam, Prussiam, omnesque & singulas illarum Provincias, civitates, terras & loca, etiam S. Romano Imperio in ipsa Germania subjecta, ac eis adjacentia, Apostolicæ Sedis Legatus de latere, universis & singulis Christi fidelibus præsentibus literas inspecturis, salutem in Domino sempiternam. Nostræ legationis officium tunc Nos ritè peragere credimus, cum votis Christi fidelium in Sanctissimi corporis Domini nostri JESU Christi, pro memoria amarissimæ passionis & mortis suæ, in cibum & potum populo Christiano exhibiti, debitam venerationem, & devotam ex intimis præcordiis adorationem tendentibus annuimus, ac ad ea nostri officii hujusmodi præsidio favorem præbemus oportunum. Sanè quidem ex parte Dilecti Nobis in Christo *Generosi Hartmanni*, Burggravi de *Kirchberg*, Ecclesiæ Moguntinensis Canonici, *Consilarii & Auditoris* Nostri, Nobis nuper exhibita petitio continebat, Quòd Ipse ex magno devotionis fervore summopere desideret, ut Venerabile Eucharistiæ Sacramentum in parochiali Ecclesiâ *S. Laurentii in Farnrode*, pro divini cultûs augmento, & majori Christi fidelium devotione excitanda, singulis festivitibus B. Virginis Mariæ, aliisque principalibus, pro tempore occurrentibus, singulis quoque quintis feriis, aut aliis, tam feriatis, quam Dominicis, vel festivis anni diebus, quibus forsitan aliquam solempnem processionem, devotionis causâ, in dicta parochiali Ecclesiâ ordinari contigerit, apertè in ejus monstrancia, sine velamine cum luminaribus, aliisque solempnitatibus solitis & consuetis, per ipsius Ecclesiæ circuitum ab intra, sive ab extra, processionaliter circumeundo, per modernum, suos Successores, dictæ parochialis Ecclesiæ Rectores, aut Vicarios, sive Capellanos, pro tempore existentes, deferri, aut dum Missarum solempnia de corpore Domini nostri JESU Christi in eadem Ecclesiâ decantari contigerit, ad altare hujusmodi exponi, & inibi usque ad finem divini officii detineri perpetuò possit & valeat. Et sicut eadem subjungebat petitio, si præmissa omnia & singula, nostræ Legationis auctoritate, cum aliquarum indulgentiarum elargitione, indulgerentur, profectò divinus cultus ex eo maximum sumeret incrementum. Quare pro parte ejusdem *Hartmanni Burggravi* Nobis fuit humiliter supplicatum, quatenus super præmissis licentiam benignam, & ad

& ad Ecclesiam prædictam aliquas indulgentias concedere dignaremur. Nos igitur, qui divini cultus augmentum supremis desideramus affectibus, hujusmodi devotis supplicationibus inclinati, ut Venerabile Eucharistiæ Sacramentum singulis quintis feriis ac principalibus, & B. Virginis Mariæ festivitibus, omnibusque aliis diebus prædictis, apertè in ejus monstrancia, sine velamine cum luminaribus, aliisque solemnitatibus & cerimoniis debitis & requisitis, per ipsius parochialis Ecclesiæ prædictæ circuitum ab intra, sive ab extra processionaliter, ut præfertur, deferri, & ad altare sub Missarum solemnibus de corpore Domini nostri JESU Christi pro tempore forsan decantandis, similiter absque velamine, modo præmisso exponi; nec non ex tunc, vel quotiescunque processionem prædictam fieri contigerit, in altari, ad hoc deputato, seu deputando, usque ad divini officii finem, detineri perpetuò possit & valeat; dummodò tamen idem Venerabile Sacramentum ebdomadatim non nisi semel, extra locum debitum & reservaculum consuetam, sine velamine deferatur, auctoritate Legationis nostræ, quâ fungimur in hac parte, tenore præsentium, de *specialis doni genere* indulgemus, constitutionibus & ordinationibus in synodalibus & provincialibus, editis Conciliis generalibus vel specialibus, ceterisque contrariis quibuscunque nequaquam obstantibus. Et nihilominus cupientes, ut dicta parochialis Ecclesia *S. Laurentii in Farnode*, Maguntinensis Diœcesis, congruis frequenter honoribus, & à Christi fidelibus jugiter veneretur, ac in suis structuris & ædificiis debite reparetur, conservetur, & manuteneatur, librisque, calicibus, luminaribus, & aliis ornamentis ecclesiasticis, pro divino cultu necessariis, decenter fulciatur & muniatur, in ea quoque cultus augmentetur divinus, & ut Christi fideles semper eò libentius, devotionis causâ, confluant ad eandem, & ad illius conservationem, augmentationem, & manutentionem, aliisque præmissa, manus promptius porrigant adjunctices, quò ex hoc ibidem dono uberius conspexerint se resectos, de Omnipotentis Dei misericordia ac Beatorum Petri & Pauli Apostolorum, Ejus auctoritate confisi, omnibus & singulis, utriusque sexus fidelibus, verè pœnitentibus & confessis, qui præfatam parochialem Ecclesiam in singulis videlicet dedicationibus templi, & per octavas Laurentii Martyris, Patroni Ecclesiæ, Paschæ cum duobus sequentibus, Ascensionis, Penthecostes cum duobus sequentibus, Nativitatis Domini cum duobus sequentibus diebus, Circumcisionis, Trinitatis, Epiphaniæ, corporis Christi, & per octavas Visitationis, Assumptionis & compassionis Beatissimæ Virginis Mariæ, omnium Sanctorum, omnium animatum, ornatum Apostolorum, Sanctæ Annæ Matris Virginis Mariæ,

Mariæ, sanctarum Barbaræ, Katherinæ, Margarethæ, Appoloniz Virginum, Sanctorum Fabiani & Sebastiani, ac Georgii festivitibus & diebus, à primis vesperis usque ad secundas vespervas inclusivè, devotè visitaverint annuatim, & ad conservationem, aliaque præmissa, manus, ut præfertur, porrexerint adjunctrices, aut qui processioni cum Evcharistia Sacramento, vel delationi & expositioni prædictis, quotiens easdem fieri contigerit, interfuerint, vel quicumque Dominicis, vel festivis diebus, post elevationem corporis Christi, sub Missarum solempniis, ob memoriam passionis Christi, pro fidelibus defunctis, ter orationem Dominicam, & totiens salutationem angelicam oraverint, aut qui in singulis anniversariis, sive peractionibus *Burggravorum de Kirchberg* ordinatis, seu ritè instituendis, sub peractionum officio, pro defunctis Dominicam orationem persolverint, aut, qui peracto Missarum officio, Antiphone de B. Virgine decantari solitæ, nec non per totam quadragesimam decantationi laudum B. Mariæ Salve Regina, & in septimana sancta nocturnalibus officiis, aut funeris, quotiens aliquam persona ex dicta parochiali Ecclesia decedere contigerit, depositioni, seu Venerabilis Evcharistia Sacramento, quotiens illud ad infirmos, aut alia, rationabili causâ, extra dictam Ecclesiam deferri contigerit, delationi devotè interfuerint, & qui Sabbatinis diebus coram sculpta imagine B. Mariæ Virginis in dicta Ecclesia, in memoriam compassionis ejusdem, ter Pater noster & totiens Ave Maria cum devotione dixerint, pro singulis diebus, quibus præmissa, aut aliquod ipsorum, fecerint, centum dies de injunctis penitentis eis misericorditer relaxamus in Domino præsentibus, perpetuis futuris temporibus duraturis. In quorum fidem præsentis literas fieri, nostrique sigilli jussimus appensione communiti. Datum Brunswig Hildesamensis Diœces. anno Incarnationis Dominicæ millesimo quingentesimo tertio Non. Martii, Pontificatûs Sanctissimi in Christo Patris & Domini nostri Alexandri, divinâ Providentiâ Papæ sexti, anno undecimo.

V.

BULLA JOHANNIS, EPISCOPI SIDONENSIS,
SUPER CAPELLA IN MONTE S. GEREONIS FARN-
RODÆ 1507.

NOs Johannes, DEI & Apostolicæ Sedis gratiâ Episcopus Ecclesiæ *Sidonensis*, sacre pagine Professor, Reverendissimi in Christo Patris & Domini nostri, Domini *Jacobi*, eadem gratiâ Sacrosanctæ Moguntinæ Sedis Archi-Præfulis in Pontificalibus Vicarius Generalis, recognoscimus per præsentis, Quod Spiritûs S. gratiâ nobis cooperante, debitis adhibitis
solemni-